

www.BibleForChildren.org

Mátíyu 8



Ahrina tahnsá Kéána suwahpeq Kehrari marákórápéq pahuwiraritórabeq taganieéna Sísane anowa mitaq míowe. Sísareq ite we kérahwána kereqsabé, Pauarítáhrabéq tagagehboq máhoró úwaq sewane.



Mibeqté náhniáq sera ano parabagútaq Sísane
anowagá wensabé, Sera ano aiq parabagire úwe.
Úwana Sísane anowagá arambehri keyábé, Wega
miraoro ína ehwéh kawerue sehgióro úwe.



Sísaga sensabé, Antehyamáripépéq wání
obenkiq márahro úwara obenkiq márówe.
Obenkiq márówana Sísaga sensabé, Uwe
táhutahuq wahnáh mewe móáwéro úwana
wáninka náhniáq sera ano úkúwe.



Sega uwera mewera móáwúwana táhutahuq
wahnáhnká mi será ano nawe tagéna áhtenúwe. Wání
antéhyá obenkíq márótaq
táhutahuq wahnáhnká íre
tagariowara peh morá
arambehri kegá
tagaríówe. Táhutahuq
wahnáhnká náhniáq sera
ano nawe tagéna
o menáhwé
áhrabúwe.



Áhrabéna wensabé, Kiraboo kene sánsámé sene kaweq
nahniáq sera ano ebeq nárigéhe. Nehra kegá
siyahbankirahnaraq íre tei
será ano nárigéhe. Arega
mina onserah íre miraóne.
Arega áhnte tei será
ano matawé anehe
náiene úwe.




Minawé Sísaga ebeqte ótaq sánsá Kéána suwahpeq
Kehrari marákórápéq miraúwe. Wega
ótaq sansá miraúwara míó
kega tagéra áhtenuwe.
Mitaq ite we kérahwána
kegá wensabé aiq pútare
atahwáne.



Sísaga Pítane nahupeq kibekúwana
Pítane ahrahnawa osoro awáhrééna
máhriqtaq míowana tagówe.



Sísaga mi ininé ayahnkara táhtorowana wene awahre
kaweragúwana irigéna táhutahuq tíwe náwuwe.




Mi wehekáh íó tupekútaq wehekeqká ómi awahre
kereq owainawanka subiqmaq subiqmarú kereq
meriqmera Sísaba
mórítówe. Mi kehiná
suwahpeqte kégá ómi
méhpeh
sahuriówe.



Sísaga áhnte awahreu ke kaweraritena áhnte
owáináwámáří kaqsuowe. Owainawamarínká Sísá
tagaríó púana wega se ehiyansá aritowe.



Sísane anepeqte págege arítéh náneqka wereq
wahtotaq míó ke kaweraritonsabe ómiga we
táhtoqnaneheéra
suwe.



Itaréitaré ánítógá aiayah pukia ání sehgiwera weba suwe.



Séra ahtapeq kutaq áhnte
wehekéqká nahupeq kígiúnsabe sega
Sísaba íre kioráhéra nahnsorapéq
kire Sísane ayahqnonsoraq
abogéh piruqmarera . . .



... abahrabahrútaq aiayah pukia
ání wene máhriqkakáq
sehitaqmaqme meqmera
Sísa míorabeq
márunátówe.



Sega iwíáhéra, Sísaga kaweratanawire íwíáhuwana
wega sene iwíáh tagéna
aiayah pukia ánínsábé,
Náníbáq móne. Arene
ahbabáq aiq
kaweratóge úwe.
Teawiníboq iro.
Irigue arene máhriq
mewe arene
nahtapeq
pokúno úwe.



Sísareq ite we kérahwána kereqka sípiipéq kibekue
kure kure káwehu ákáhtaq kowana
Sísa sípiipéq sugowana apubúue
anotah soirírúnka anotah
nonaburóróúwana
wánínka kiegambegue
sípi wánípipeq
tupekinaúwe.



Tupekinaútaq ite we kérahwána kega Sísa iriateq
wensabé, Wánípipeq tupekue pukonehboq kaweraito
ewanana wega itensabé, Aneqsabé áhreo? Itega
ínénsabe pehgáriqtaq aiq pútare aintáhwe
éna irigéna sóiriqsabé,
Táqnaígúno éna wánínsabe,
Túbáh agúno úwana
sóiriqka táqnaígúwana
wánínka moq túbáh
agúwe. Túbáh agúwaq

itega áhtenéq itete
náhenéq, We aneq anípo?
Sóiriqkakáq wánínkakaká
wene ehweh íréhre ewanae.



Manikánka mah kehiná kéhínánsábé
anotah arútábóíri puana webataq
wenahni eqmarowe. Wenahninsábé
aiq pútare atáh ké íre toráh agia
peh oga mérapeq awaq
mianehtawoe.



Aroma 3:23 Ite moke mah kehiná kéhínánká
ahbabárurauna puag Manikánka kaweqtaq mía
míainserah ite kaweqtaq íre mía míaorahúne.

Aroma 6:23 Ahbabáqka saiqnariéhncá aneq apéq
wehuke siro? Ahbabáqka saiqnariéh ké
pukoneherawoe. Itene Wahnah Sísa
Karáhénsabe aiq pútare atona kewé Manikánka
wáh kaweraitena oganúq itena, Sísa req ahriahri
mía míaoro aitéhre.

Íbaru Ke 9:27 Wehukení mónkakáq mónkakárue
íre pukia peh morá tánáhráq pukinawire. Mina
inserah Sísa moq peh morá tánáhráq pukúwe.
Wehuke pukirataq anehe Manikánka ehweh
aritena sainsuankéhe.



Épésá 2:8,9 Itega Sísa Karáhénsabe aiq pútare
atárónsabé Manikánka ite anotahtaq
arutaboiraitena ite meirena kaweraitáráire. Íre
iteitega mirauronka kaweraitáráire. Írakaumo.
Manikánka wáh kaweraitáráire.

Íre iteitega arambehriuronka kaweraitáráire.
Minayabe iteíwíq íre pankerahráhowe. Írakaumo.
Itega mirauronsabé íre iwíáh íwíáhorahowe.

Aroma 10:9,10 Íwáhnoréq mahraue teiune. Sísa
néne Wahnah mire íwéhrate iraréq wega
pukútaq Manikánka iriwe oganúq atonsabe
irupipeq iwíáhirataq wega meirena
kaweraitankéhe.



Manikánka irupipeq aiq pútare atáh ké insahwé
aitena íwéhrate, Sísa néne Wahnah mire irare
ke kaweraitéhre.

Sóni 3:16,17 Manikánka mah kehiná kéhínánsábé
anotah arútábóíri puana webataq wenahni
eqmarowe. Wenahninsábé aiq pútare atáh ké íre
toráh agia peh oga mérapeq awaq mianehrawoe.
Wenahninká mah kehiná kéhíná ehweh
aritankeheéna eqmaroo? Írakaumo. Mah kehiná
kéhíná kaweraritankeheéna eqmarowe.



1 Sóni 5:11-13 Manikánka teí éhwéhmé oga
mérapeq awaq miageheéna wega oganúq ítéhre.
Wenahninká miraúnsabe oganúq ítéhre.
Manikáne ahninkáwáreq mía míai anímé oga
mérapeq awaq míéhre. Manikáne ahninkáwáreq
íre mía míai anímé oga mérapeq awaq miehro?
Írakaumo. Oga mérapeq íre awaq míéhre.
Manikáne ahninkáwánsábé aiq pútare atáh kéó,
itega oga mérapeq aiq awaq míone éq
ahtebageheéna sehiranue teiúge.



Mátíyu 8-9; Máhka 1-2, 4; Árúka 4, 8; Sóni 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Awa Bible (awb) © 2002, Wycliffe Bible Translators, Inc.
All rights reserved.

<https://live.bible.is/bible/AWBTBL/MAT/1>

©2024 Bible for Children, Inc.

www.M1914.org

www.bibleforchildren.org

